



Internet portal **bosnjaci.net**

Upozorenje bošnjačkoj javnosti u domovini BiH, Sandžaku i dijaspori

GLAS ZA REKOM - GLAS ZA NEGIRANJE AGRESIJE NA BIH I GENOCIDA NAD BOŠNJACIMA

Autor: Tim Bošnjaci.Net

Objavljeno: 22. May 2011. 21:05:15

Već duže vrijeme u javnosti traje tzv. „kampanja REKOM i za REKOM“. Kampanja trenutno obuhvata prikupljanje potpisa kako bi se konačno osnovala regionalna komisija koja će navodno utvrditi činjenice o ratnim zločinima, kao i da rasvijetliti sudbinu nestalih u ratovima 1991-2001. godine na području nekadašnje SFRJ. Tako se uglavnom plasira priča koju prenose mediji, iako dobro upućeni znaju da je u pozadini toga ogromna lova sa kojom raspolaže par ljudi u vrhu koje predvodi Nataša Kandić /FHP/, te da je svrha tog dobro plaćeničkog posla ustvari prikupljanje podataka o prostim brojkama žrtava, ali i ne utvrđivanju činjenica šta je ključni uzrok tolikog broja žrtava, koje počinio agresiju; koje, gdje, zašto i nad kim počinio genocid, te mučenja kroz brojne logore, silovanja, zlostavljanja...?! Zato nije ni čudo što se REKOM kampanja posebno vodi u agresiji razorenoj Bosni i Hercegovini, gdje se iznuđuju potpisi građana, prevenstveno bošnjačke nacionalnosti, nad čijim sunarodnicima je počinjen zločin genocida. Ne može se ići naprijed ka procesu pomirenja među narodima ako se jasno ne utvrde spomenute činjenica, te da se jasno upre prostom i one države, institucije, političare i pojedince koje su sa vojno-policijskim aparatima i brojnim zločinačkim paravojnim formacijama planirali i naredili agresiju na BiH i da se poćini genocid nad jednim miroljubivim europskim narodom, Bošnjacima. Nameće se pitanje šta bi onda komisija koalicije REKOM utvrdila u Srebrenici, Prijedoru, Bratuncu, Zvornku, Bijeljini, Višegradu, Foći, Nevesinju... odnosno u gradovima koji su bili sa bošnjačkom većinom a kojih tamo više nema. Šta se tu dogodilo? Bošnjacima je jasno iz kojih centara



Komisija će kako najavljuje napraviti spisak žrtava i nestalih u svim državama. Koliko nam je poznato u BiH ta evidencija već postoji u Institutu za istraživanje ratnih zločina. Ona se pitamo šta zapravo može biti cilj jednog ovakvog tijela koje se, po svoj prilici formira pod palicom međunarodne zajednice?! Suština jeste da se retušira uloga Srbije (i Crne Gore) u agresiji, reaktivizira genocid i stabilizuje tvorevina nastala na tom zločinu. Isto tako Hrvatska treba izbriše iz povijesti dio o agresiji na BiH. Da se stvori privid pomirenja na Balkanu kako bi neke nove generacije plaćale cehove ovih nedvanih zločina.

moći je pokrenuta agresorsko-genocidna mašinerija, ali sada jeste važno da to jasno kažu sve zvanične državne institucije, ali i koalicije poput REKOM-a, koje kažu da okupljaju više od 1500 organizacija, pa iako neke od tih organizacija ne broje više od jednog člana, tj. predsjednika.

SAVEZ LOGORAŠA BiH PROTIV REKOM-a: Nekoliko ključnih organizacija u BiH koje okupljaju preživjele žrtava genocida, žrtve logora, silovanih žena... ne podržavaju pod postojećim uvjetima osnivanje kolacije REKOM. Među njima je i Savez Logoraša BiH čijeg predsjednika Murata Tahirovića smo zamolili da nam da nekoliko pojašnjenja o inicijativi REKOM:



TAHIROVIĆ: Na pitanje Bošnjaci.Net kada je u pitanju koalicija REKOM koja bi bili njegova preporuka Bošnjacima, odgovorio je: Da ne glasaju i potpisuju peticiju za REKOM! Ako se ipak odluče da daju svoj glas treba da znaju da daju glas koji će na kraju dati slijedeći rezultat: "Na prostoru bivše Jugoslavije najviše su stradali građani srpske nacionalnosti", - naglašava i podcrtava Tahirović, nastavljajući pojašnjenjem: - Niko u svijetu neće pitati zašto(?), niti će ulaziti u analize ko je i koliko ratova pokrenuo, već će uzimati u obzir samo konačni broj stradalih, a to je očito cilj koalicije REKOM-a, - zaključio je Tahirović.

- REKOM je inicijativa koju je pokrenula Nataša Kandić, kako bi na prostoru bivše SFRJ ustanovila ukupan broj stradalih za vrijeme, kako kažu, jugoslovenskih ratova, - kaže Tahirović koji je i sam žrtva agresorske veliko-nacionalističke politike. Doduše Tahirović u izjavi kaže: - Sama inicijativa i nije tako loša, međutim, od samog početka nema one osnovne naučne i istraživačke metode na osnovu kojih bi bilo moguće zaista ustanoviti, uzroke ratova, posljedice i na kraju i sam broj stradalih.

Predsjednik Saveza logoraša BiH Tahirović posebno naglašava da se, REKOM nažalost bazira samo na broju

stradalih, i ništa više, njegove su riječi!

On također ističe: - Savez nije protiv REKOMA ali nije ni za REKOM! Jednostavno ne sudjelujemo u tome. Smatramo da su to sada nezavisne Države i da ovakav oblik stvara zabludu o broju stradalih načinu stradanja i nizu drugih izjednačavanja koja nemaju baš nikakve veze sa žrtvama rata.

Tahirović svoja stajališta potkrijepilju primjerom: - Jedan primjer je i to da se u okviru rada REKOM-a predviđa i pitanje tzv. "OTPISANIH" koji su u Sloveniji ostali bez državljanstva. Poređenje jednog takvog kršenja ljudskih prava sa žrtvama torture u BiH je u najmanju ruku neozbiljno, - rekao je on.

Na pitanje Bošnjaci.Net kada je u pitanju koalicija REKOM koja bi bili njegova preporuka Bošnjacima, odgovorio je:

Da ne glasaju i potpisuju peticiju za REKOM! Ako se ipak odluče da daju svoj glas treba da znaju da daju glas koji će na kraju dati slijedeći rezultat: "Na prostoru bivše Jugoslavije najviše su stradali građani srpske nacionalnosti", - naglašava i podcrtava Tahirović, nastavljajući pojašnjenjem: - Niko u svijetu neće pitati zašto(?), niti će ulaziti u analize ko je i koliko ratova pokrenuo, već će uzimati u obzir samo konačni broj stradalih, a to je očito cilj koalicije REKOM-a, - zaključio je Tahirović.

Prema informacijama koje smo sakupili a koje su važne općenito za Bošnjake kao žrtve agresije i genocidne politike, Pored Saveza logoraša BiH protiv koalicije REKOM su Udruženje Prijedorčanki Izvor, Žene Srebrenice, Majke Srebrenice i Žepe... što su ujedno među našim narodom prepoznatljive organizacije u brobi za dokazivanje istine i pravde u BiH.

NE SMIJE DOĆI DO IZJEDNAČAVANJA AGRESORA I ŽRTVE: Nego čelništvo REKOM-a u potrazi za podrškom nije istalo samo u okviru balkanskih granica. Oni su (vjerovatno) prije desetak dana zatražili podršku od organizacija koje djeluju na području Sjeverne Amerike i Australije. Tako da je u pismu od prije desetak dana upućeno REKOM-u BiH, Kongres Bošnjaka Sjeverne Amerike, kako navodi u svojstvu krovne organizacije američkih i kandskih Bošnjaka, te u suradnji sa Institutom za istraživanje genocida Kanada i Bosanskim američkim institutom za genocid i obrazovanje i Vijećem BiH organizacija Australije smatraju poželjnim inicijative koje dovode do sveobuhvatnog saznanja o nivou zločina počinjenom na Balkanu a kao rezultat veliksrske agresije na susjedne države. Međutim, sve četiri organizacije smatraju da ne smije doći do izjednačavanja agresora i žrtve genocida, te da sva istraživanja moraju biti zasnovana na uvažavanju neophodnog i naučnog metodološkog pristupa te bazirana na rezultatima ranijih istraživanja o ratnim zločinima i genocida i presudama sudova o ratnim zločinima, kaže se između ostalog u pismu koje su četiri gore nabrojane organizacije uputile Koaliciji za REKOM kao odgovor na traženje podrške za osnivanje Komsije koja bi trebala istraživati ratne zločine počinjene na području bivše Jugoslavije.

U istom pismu se ističe i da "ove organizacije podržavaju projekte koje je striktno baziraju na rezultatima naučnih istraživanja", što ste i iz izjave predsjednika Saveza Logoraša BiH da se rad u REKOM-u ne zasniva na naučno-istraživačkom radu i utvrđivanja ključnih krivaca, naredbodavaca i počionica agresije i genocida, u ovom slučaju na BiH i Bošnjake.

Dalje u istom pismu se ističe: „U Bosni i Hercegovini je na kraju XX stoljeća nad Bošnjacima ponovo izvršen genocid samo zbog njihove nacionalne i vjerske pripadnosti i zauzimanja njihovog životnog prostora. Genocid je prema veliko-srpskom projektu imao namjeru da se unište Bošnjaci kao nacionalne i vjerske grupe, i zauzimanje njihovog prostora koji bi bio obuhvaćen etnički čistom srpskom državom“.

Ovaj citat je također iz pisma koje su uputile spomenute četiri organizacije koje okupljaju razasute Bošnjake u dijaspori, što je zapravo suština kojom bi buduća Komisija morala da se bavi, izučiti i navede rezultate tih naučnih istraživanja i da to potkrijepi u konačnom izvještaju. Ali i pored toga javno upućenog pisma na službenoj stranici [Koalicije za REKOM](#) stoji da je to „Pismo podrške KBSA, IRGC, BAGI i VBHOA“?!? Zar to nije čudno, pa iako prelistate radne materijale i prijedloge Statuta vidjet ćete da se nigdje ne spominje agresija na BiH, a o genocidu nad Bošnjacima da ne govorimo. Pitamo se zašto se zapravo od Bošnjaka, nad kojima je počinjen genocid, istrebljenje, pogrom, ali i od bošnjačke dijaspore traži potpis za osnivanje Komisije koja bi trebala biti regionalnog karaktera a koja prešućuje bitne činjenice o najvećim stradalnicima genocidne politike, koje samim isticanjem samo mogu dovesti do bržeg pomirenja, ne samo u BiH nego u cijelom balkanskom regionu gdje žive dobri Bošnjani.



Mr. ALIBAŠIĆ: Bošnjaci trebaju postaviti ista pitanja koje smo mi postavili oko naučne metodologije istraživanja, apsolutnog priznavanja ranijih presuda o ratnim zločinima zaključcima suda u Hagu o genocidu nad Bošnjacima, te prepoznavanja veliko-srpske i crnogorske agresije ne samo na BiH...

INICIJATIVE MORAJU BITI ZASNOVANE NA UVAŽAVANJU NEOPHODNOG NAUČNOG I METEDOLOŠKOG PRISTUPA:

Bez obzira na upućeno pismo javnosti od strane četiri spomenute organoizacije zatražili smo nekoliko odgovora od predsjednika KBSA mr. Harisa Alibašića.

Na naše pitanje šta KBSA misli o

REKOM-u, Alibašić je odgovorio: KBSA

je svoje mišljenje izrazio u pismu za REKOM koje su također potpisali IRGC, BAGI i VBHOA. U tom pismu, mi smo jasno rekli da sve inicijative za istraživanje ratnih zločina, ne samo REKOM, moraju biti zasnovane uvažavanju neophodnog naučnog i metodološkog pristupa, te bazirana na rezultatima ranijih istraživanja o ratnim zločinima i genocida i presudama sudova o ratnim zločinima, rekao je Alibašić, nastalajući: - Mi također smatramo da se moraju priznati sve dosadašnje presude o ratnim zločinima, i da ne smije ni u kojem slučaju doći do politizacije istraživanja niti izjednačavanja žrtve i agresora (...)

Na pitanje Bošnjaci.Net, da li je neko iz REKOM-a tražio podršku četiri spomenute organizacije te ste im odgovorili pismom? - Mr. Alibašić odgovara: - Da, oni su tražili našu podršku a naš odgovor je ponuđen u pismu sve četiri organizacije, jer smatramo da svi navedeni uslovi moraju biti prvo zadovoljeni prije nego se pristupi ovako ozbiljnom poslu. Ukoliko REKOM ispuni ove uslove, onda bi rezultati takve inicijative mogli biti pozitivni.

- Da li Bošnjaci kao preživjele žrtve genocida trebaju staviti potpis na osnivanje REKOM-a? Bošnjaci trebaju postaviti ista pitanja koje smo mi postavili oko naučne metodologije istraživanja, apsolutnog priznavanja ranijih presuda o ratnim zločinima zaključcima suda u Hagu o genocidu nad Bošnjacima, te prepoznavanja veliko-srpske i crnogorske agresije ne samo na BiH, nego i na Sloveniju, Hrvatsku i Kosovo kao uzročnika ratnih zločina, ubistava, silovanja, masovnog protjerivanja stanovništva, te ekonomske destrukcije regije. Da bi dobili potpis ijednog Bošnjaka bilo gdje u svijetu, REKOM treba javno, jasno i direktno izjasni o ovim pitanjima, iričit je predsjednik KBSA mr. Alibašić.

REKOM ZA PRANJE KRVAVIH RUKU: Dalje, pitanje koje se također nameće pred nama jeste, da li će Komisija koju bi trebali da osnuju aktuelne vlasti država nastalih na prostoru bivše Jugoslavije, a u kojima većinom sjede upravo oni koji su sprovodili agresiju na BiH, oni koji podržavaju Dodika i njegov naum secesije teritorije nastale genocidom, oni koji održavaju zajedničke sjednice Vlade Srbije i Genocidne tvorevine Republike Srpske... a država Srbija u kojoj ratni zločinac Ratko Mladić slovi za 'eroja, da li će takva Komisija biti spremna da donese gore navedeni zaključak a sve na osnovu brojnih i neupitinih činjenica kojima raspolažu brojne međunarodne i domaće institucije i organizacije.

Također, da li tu Komisiju može da osnuje i Crna Gora, koja je pored učešća u agresiji na BiH i genocidu nad Bošnjacima, te ratnih zločina hapšenja i deportacije sa cg. primorija, zločina u Bukovici, otmice putnika, hapšenja SDA rukovodstva oslobodila sve zločince od državnog političkog vrha do ministara i službenika policije. Svima je jasno da Crnom Gorom, time i svim njenim institucijama, neprikosnoveno vlada zločinac Milo Đukanović koji se morao naći pred Haškim tribunalom, ali je zahvaljujući međunarodnoj zajednici i podaničkoj bošnjačkoj politici ostao do dana današnjeg nekažnjen za zlodjela koja je činio zajedno sa Slobodanom

Miloševićem.

Da li će ta Komisija na osnovu brojnih činjenica konstatovati da je genocid počinjen u cijeloj BiH- u Višegradu, Foči, Prijedoru, Kozarcu, Kotor Varoši, Vlasenici, Brčkom, Bjeljini...?

Dragi naši Bošnjani, odgovor je NE!!! Ta Komisija se ne osniva se zbog utrdivanja historijske istine već upravo zbog njenog zamagljivanja. Izdizanjem na regionalni nivo, zapravo ćemo svi biti jednaki - i žrtve i dželati.

A znamo, koliko je bošnjački narod koštalo skrivanje činjenica o genocidima koji su do sada počinjeni i o kojima tek sada svjedočimo pritisnuti spoznajom da su nas umalo doveli do potpunog nestanka.

RETUŠIRANJE ULOGE SRBIJE, CRNE GORE I HRVATSKE: Komisija će kako najavljuje napraviti spisak žrtava i nestalih u svim državama. Koliko nam je poznato u BiH ta evidencija već postoji u Institutu za istraživanje ratnih zločina. Ona se pitamo šta zapravo može biti cilj jednog ovakvog tijela koje se, po svoj prilici formira pod palicom međunarodne zajednice?! Suština jeste da se retušira uloga Srbije (i Crne Gore) u agresiji, reaktivizira genocid i stabilizuje tvorevina nastala na tom zločinu. Isto tako Hrvatska treba izbriše iz povijesti dio o agresiji na BiH. Da se stvori privid pomirenja na Balkanu kako bi neke nove generacije plaćale cehove ovih nedvanih zločina.

Naravno, takvo rješenje odgovara i međunarodnoj zajednici čija je odgovornost za ratna zbivanja i zločine u bivšoj Jugoslaviji i poznata i dokumentovana. Kroz Komisiju za koju je ne bez razloga izdvojila ogromna finansijska sredstva, čak više od tri miliona eura, ona hoće sebe izmjestiti iz sramne uloge devedesetih godina prošlog vijeka.

Da li će se možda ova Komisija baviti i pitanjem odgovornosti međunarodne zajednice u našoj kasapnici?

Sasvim je jasno da Komsija čiji se rad diktira iz Beograda traži podršku bošnjačkih žrtava. Da li Bošnjaci po zna koji put, smiju biti prevareni, da li smiju svojim glasom podržati formiranje Komisije koja ni jednom jednom riječju neće spomenuti agresiju na BiH, koja se neće baviti genocidom nad Bošnjacima počinjenim diljem BiH, izuzev što će negdje u nekom tamo kutku ako to Tadić, Dačić, Dodik i Đukanović dozvole, možda spomenuti presudu Međunarodnog suda pravde o počinjenom genocidu u Srebrenici.

Rekli smo već da Udruženja žrtava iz Srebrenice i brojna druga udruženja žrtava u BiH nisu dali glas za formiranje ove Komisije. To je razlog više da Bošnjaci ne smiju dozvoliti da još jednom, nakon teških zločina počinjenih 90-ih godina prošlog vijeka, budu nanovo prevareni. Jer oni koji budi pod postojećim uvjetima dali glas za REKOM neka znaju da daju glas za negiranje genocida nad Bošnjacima i negiranja agresije počinjene nad Bosnom i Hercegovinom.